



畿輔通志 十八

陽明文庫圖書  
七冊  
共二七冊  
博習院圖書館

近衛  
5-86  
キ2





畿輔通志卷之第十八

名宦

朱紫陽輯名臣言行錄止於宋人章其昭代也元  
 人資之以為史料嘗讀其書大抵徵據於諸君子  
 之家乘爾子孫述厥祖德門生故吏識迺私恩非  
 諛慕之辭則索麥之傳銀管蒸烟傳訛傳偽不無  
 有焉竊以古今最愚莫若黔首論語曰斯民之三  
 代所以直道而行也閭左之口碑不大愈於汝南  
 之月旦哉孔子為魯司寇與聞國政三月之間魯  
 人先謗而後頌子產執鄭國之政亦三月之間鄭

近衛本



莫高哭  
 读书中文网发行  
<http://bbs.rbook.net>

人亦先謗而後頌是職何故歟孔子誅少正卯墮  
三都鉏暴抑強不致驚彼田野先威而後惠也故  
其謗之也曰麤裘頌之也曰章甫子產鑄刑書先  
刑而後賞也故其謗之也曰孰殺頌之也曰孰嗣  
謗頌之情則同謗頌之詞則異時不緬邈也地不  
遼絕也何以異同至是為政者可以深長思已畿  
在日邊持節剖竹者慄於呼吸通帝座無滯威則  
亦無束濕獄不察淵賦不驚雉往往多遺愛焉雖  
多歷年所而三代之直弗寧虫虫者存而勿失縉  
紳者逢掖者率羅而筆之於書故賢者不致湮沒

而弗彰今昔得林林如許也曰是林林者皆宦而  
名者也伊可慕也曰其他皆宦而不名者也伊可  
畏也三代以下惟恐人之不好名也故作志

總部

周

樂書 晉公族襲封樂邑為晉卿執晉政國人思之曰武子之德在人猶周人之思召公也

夙沙釐 晉荀吳帥師襲鼓滅之夙沙釐以其孥行軍吏執之辭曰我君是事非事土也名曰

君臣豈曰土臣今君實遷國何賴于鼓穆子謂之曰鼓爾君矣爾心事君吾定爾祿對曰臣委

質于鮮于之鼓未委質于晉之鼓也乃使行鼓于田于河陰夙沙釐相之

仲由 魯人嘗為蒲大夫孔子過之三稱其善子貢執轡曰夫子未見由之政而三稱其善

可得聞乎孔子曰人其境田疇盡易草萊甚辟  
溝洫深治此其恭敬以信故其民盡力也入其  
邑墻屋完固樹木甚茂此其忠信以寬故其民  
不偷也至其庭甚清閒諸下用命此其明察以  
斷故其政不擾也以此觀  
之雖三稱善庸盡其美乎

大戊午

趙肅侯游大陵出鹿門大戊午扣馬曰耕  
事方急一日不作百日不食肅侯下車謝

李克

魏相廣聞見善議論文侯待以先生之禮  
及取中山文侯封其子擊而慮其有變也  
以克相之時苦陘之吏上計而入多其前克執  
而免之國賴以安既克入見文侯以五言定相

卒服  
翟璜

公仲連

趙相國烈侯好音欲賜鄭歌者槍石二人  
田各萬畝屢問公仲連終不與乃稱疾不  
朝番吾君自代來謂公仲連曰君實好善而未  
知所持今公仲相趙於今四年亦有進士乎公  
仲曰未也番吾君曰牛畜苟欣徐越皆可公仲  
乃進三人烈侯使使謂相國止歌者之田官生

畜為師荀欣為中尉徐越  
為內史賜相國衣二襲

樂毅

魏人也其先祖樂羊為魏文侯將伐取中  
山魏文侯封樂羊以靈壽其後子孫因家

焉毅賢好兵趙人舉之及武靈王有沙丘之亂  
乃去趙適魏聞燕昭王以子之之亂而齊大敗  
燕燕昭王怨齊未嘗一日而忘報齊也于是屈  
身下士先禮郭隗以昭賢者樂毅于是為魏昭  
王使于燕燕王以為亞卿久之樂毅并護趙楚韓  
為臣燕昭王以伐齊破之濟西諸侯兵罷歸而燕  
魏燕之兵以伐齊破之濟西諸侯兵罷歸而燕  
軍樂毅獨追于臨菑齊泯王之敗濟西王走保  
于莒樂毅獨留齊皆城守樂毅攻入臨菑盡  
取齊寶財物祭器輸之燕燕昭王大悅親至濟  
上勞軍行賞饗士封樂毅于昌國號昌國君

趙奢

趙之田部吏也習兵法材良于將嘗抵罪  
居燕燕昭王命為上谷守凡燕之通谷要

塞皆稔知之上谷恃以無恐其為將身所奉飯  
而進食者以十數所友者以百數得賞賜盡以

與軍吏士大夫受命之日不問家事所遇戰輒有功

**虞卿** 游說士也躡蹻擔簦說趙孝成王一見賜黃金百鎰自壁一雙再見為趙上卿故號

為虞卿既以魏齊之故不重萬戶侯卿相位與齊間行卒去趙困于梁不得意乃著書

**肥義** 趙武靈王傅國于少子何以肥義為王傅封長子章為安陽君章不服後遇至父及

王遊沙丘異宮公子章即以其徒詐以王父令召王肥義先入殺之與王戰公子成與李兌自

國至乃起兵入拒難殺公子章滅黨賊而定王室

漢

**衛綰** 代陵人景帝時為河間王太傅吳楚反詔綰將河間兵擊吳楚有功拜中尉終太子

太傅

**暴勝之** 武帝時為直指使者捕盜之渤海素聞雋不疑賢延見之不疑曰凡為吏太剛則折

太柔則廢威行施之以恩然後樹功揚名永終天祿勝之服其言

**霍去病** 以皇后姊子年十八為侍中善騎射為冠軍侯上谷太守元狩三年春為驃騎將軍

將萬騎出隴西有功益封二千二百戶去病至祁連山戰功甚多敵入右北平定襄命去病力

戰深入之既還上曰驃騎將軍去病率師躬將所獲葷允之士約輕齎絕大幕執訊獲醜七萬

有奇師率滅什二取食於敵軍行殊遠而糧不絕以五千八百戶益封驃騎將軍右北平太守

**張敞** 平陽人宣帝時為京兆尹免為庶人數月冀定部中有大賊天子思敞功使使者召

敞拜為易州刺史既到部而廣川王國群輩不道賊連發不得吏逐捕窮窘蹤迹皆入王宮敞

自將郡國吏車數百兩圍守王宮果得之殿屋重轅中敞傳吏皆部格斷頭懸其頭王宮門外

**蕭育** 蘭陵人元帝時為冀州刺史以經學與士民講誦而政尚嚴威吏民畏服後為光祿

朱

博

杜陵人成帝時以高第入為長安令尋遷

行部吏民數百人遮道自言從事白請且畱此

縣錄趣駕博出就車見自言者使從事明勅告

吏民欲言二千石墨綬長吏者行部還詣治所其民

欲言二千石墨綬長吏者行部還詣治所其民

為吏所寬及言盜賊辭訟事各使屬其部從事

博駐車決遣四五百人皆罷去如神吏民大驚

任

丘

平帝時中郎將也以其名名城

朱

浮

光武時為幽州牧守薊門欲勵風俗收士

景

丹

字孫卿馮翊櫟陽人也王莽時舉四科丹

率

副

以言語為固德侯相有幹事稱遷朔調連

降

復

為上谷長吏王郎起丹與况共謀拒之况

使丹與子奔及寇恂等將兵南歸世祖世祖引

見丹等笑曰邯鄲將帥數言我發漁陽上谷兵

馬

成

字君遷南陽棘陽人也少為縣吏世祖討

夫共此功名耳拜丹為偏將軍號奉義侯

河北成即棄官步負追及於滿陽以成為期門

從征伐世祖即位再遷護軍都尉建武四年拜

揚武將軍十四年屯常山中山以備北邊并領

建義大將軍朱祐營又代驃騎大將軍杜茂繕

治障塞自西河至渭橋河上至安邑太原至井

陘中山至鄴皆築堡壁起烽燧十里成在事凡

王

霸

字元伯潁川潁陽人也少為獄吏慷慨不

為中山太守上將軍

印綬領屯兵如故

霸率賓客上謁日將軍典義兵竊不自知量貪

豈有二哉遂從擊破王尋王邑於昆陽及王郎起光武在薊王郎移檄購光武光武南馳至下曲陽王郎兵在後從者皆恐侯吏白滹沱河無船不可渡使霸視之霸還詭曰水堅可渡比至河河水合渡未畢數騎而水解光武謂官屬曰王霸權以濟世殆天瑞也既至信都發兵攻拔邯鄲追斬王郎從平河北光武即位

鄧

訓 新野人顯宗永平中理滹沱石臼河從都慮至羊腸倉欲令通漕太原吏人苦役連年無成轉運所經三百八十九隘前後沒溺死者不可勝算建初三年拜訓謁者使監領其事訓考量櫟括知大功難立具以上言肅宗從之遂罷其役更用驢輦歲省費億萬計全活數千人

鄧

壽 人 以廉能稱舉孝廉稍遷冀州刺史時冀郡諸王賓客放縱不檢壽按察之無稍容貸藩國畏懼並為遵節視事三年冀土肅清章帝嘉之三遷尚書令

左

雄

涇陽人安帝時舉孝廉稍遷冀州刺史州部多豪族好請託雄常閉門不與交通奏案貪猾二千石無所回忌永建初公車徵拜議郎屢遷尚書令

沈

景

吳郡人順帝時河間孝王子開薨子惠王政嗣敖狠不奉法憲帝以景有強能稱擢為河間相景到國謁王王不正服箕踞殿上侍郎贊拜景時不為禮問王所在虎賁曰是非王邪景曰王不服常人何別今相謁王豈謁無禮者邪王慙而更服景然後拜出在宮門外請王傳責之曰前發京師詔以王不恭使相檢督諸君空受爵祿而無訓導因奏治罪詔書讓王而詰責傳乃捕諸姦人戮尤惡者數人出冤獄百餘人王遂悔過自修

周

舉

汝陽人舉茂才為平丘令順帝時以治績轉冀州刺史正身率下風俗頓革左雄荐其方正清平徵拜尚書

蘇

章

平陵人以高第為武原令遷冀州刺史故人為清河太守章行部案其姦賊乃請太

守為設酒肴陳平生之好甚歡太守喜曰人皆  
有一天我獨有二天章曰今夕蘇孺文與故人  
飲者私恩也明日冀州刺史案事者公  
法也遂舉正其罪州境皆望風畏肅

張

衡

字平子南陽西鄂人永和初為河間王相  
時王驕奢不遵憲典又多豪右其為不軌  
衡下車治威嚴整法度陰知姦黨姓名一  
時收擒上下肅然稱為政理後拜尚書

第五種

長陵人少厲志義為吏冠各州郡桓帝永  
壽中以司徒掾清詔使冀州廉察災害舉  
奏刺史二千石以下所刑免甚  
衆還以奉使稱職拜高密侯相

蔡

衍

汝南項人桓帝舉孝廉稍遷冀州刺史中  
常侍貝瑗託其弟恭舉茂才衍不受乃收  
齋書者案之又中常侍曹騰弟曹鼎為河間相  
鼎賊罪千萬騰使大將軍梁冀為書請之衍不  
荅劾奏之鼎竟坐輪作  
左校乃徵衍拜議郎

羊

陟

梁人桓帝初以高第遷冀州刺史計日  
受俸常食乾飯茹菜羹按貧濁所在肅然

二三遷尚書令

朱

穆

南陽宛人桓帝永興元年百姓饑窮流移  
冀州尤甚故擢穆為冀州刺史冀部令長  
聞穆濟河解印綬去者四十餘人宦者趙忠喪  
父歸葬安平借為玉匣偶人穆下郡案驗吏畏  
其嚴明遂發墓剖棺陳尸出之帝聞大怒徵穆  
詣廷尉輸作左校太學生潁川劉陶等數千人  
請關上書訟

冤乃赦出之

范

滂

汝南人舉孝廉桓帝時冀州饑荒盜賊群  
起乃以滂為清詔使案察之滂登車攬轡  
慨然有澄清天下之志及至州境守令自知賊  
汚望風解印綬去其所舉奏莫不厭塞眾議遷  
光祿勳主事  
後罹黨錮

賈

琮

聊城人舉孝廉為京兆尹有政理迹靈帝  
擢為冀州刺史舊典傳車駟駕垂赤帷裳  
迎於州界及琮之部升車言曰刺史當遠視廣  
聽糾察美惡何反垂帷以自掩塞乎乃命御者

塞之列城... 震其有賊

劉虞 字伯安 東海郟人 舉孝廉 靈帝末 拜甘陵

著恩積北方 復拜幽州牧

皇甫嵩 安定人 靈帝公車徵 為議郎 遷北地太守

騎將軍 領冀州牧 封槐里侯 嵩奏請冀州一年

不保子今妻失夫賴 得皇甫兮復安居

三國

涼 茂 字伯方 山陽昌邑人 少好學 論議常據經

相所在有績 官至太子太傅

晉

山濤 河內懷人 有器量 介然不群 武帝泰始初

州俗薄無相推 載濤甄拔 隱屈搜訪 賢才旌命

三十餘人 皆顯名 當時人懷慕 尚風俗 頗華入

魏 舒 字元陽 任城樊人也 為冀州刺史

衛 瓘 字伯玉 河東安邑人 年十歲 喪父 至孝 過

閭鄉 侯弱冠 為魏尚書郎 時法嚴苛 權臣專政

武子 在位十年 無所親 疎甚 為傳 散騎常侍 陳雷

王即 位拜侍中 持節 慰勞 河北 以定 議功 增邑

戶除 征北 大將軍 都督 幽州 諸軍事 幽州 刺史

護烏 桓校尉 至鎮 表立 平州 後兼 督之 於時 幽

并東 有務 桓西 有力 微並 為邊 害瓘 施離 間之

唐彬 武帝時持節監幽州諸軍事訓兵勸農震

劉弘 武帝時以寧朔將軍假節監幽州諸

張協 安平人載之弟少有雋才與載

丁紹 刺史到鎮率州兵破級桑有功加寧北將

軍轉節監冀州諸軍事紹為政嚴肅河北人畏

而愛之紹自以才足為物雄當官蒞政每事克

舉視天下之事若運于掌握遂慨然有董正四

海之志是時王浚盛于幽州荀晞盛于青州紹

視二人茂如也永嘉三年暴疾而終臨終歎曰

此天亡冀州豈吾命哉懷帝策贈車騎將軍

邵續 安陽人元帝中與棄石勒歸拜左將軍冀

州刺史續與曹疑丞相侵掠石勒知續孤

危遣石虎乘虛圍續虎騎至城下掠其居人續

率眾出救虎伏騎斷其后遂為所執使續降其

誠續呼其兄子竺等曰吾志雪國難以報所受

不幸至此汝等努力自勉便奉匹磾為主勿有

二心其部曲文武推其子

劉琨 太尉廣武侯都督并幽薊

段匹磾 大興中率州刺史為石勒所敗乃着朝服

至此不能為汝敬及見

勒亦不為禮卒遇害

慕容廆 鮮卑人幼而魁岸美姿貌雄傑大度元帝

引納士庶多襁負歸之後都督

慕容皝 廆之子英武有父風成帝時都督平州先

得其眾乘勝拔城收其資用徙其人數萬以歸

又敗石虎軍于汲城遣使獻捷于晉穆帝永和

四年卒

王亮 秦符堅將守博陵慕容麟攻亮甚力亮糧

竭矢盡誓不下城府曹張倚踰城出聚眾

幾補名室志

應麟究謂之曰卿秦之民也予卿之君也卿起兵應賊號義兵何名實之相違也古人求忠臣于孝子之門卿母在城棄而不顧君何有焉卿寧能忘不忠不孝之罪乎中國禮義之邦乃有如卿者耶及城破被執究不屈而死

南北朝

陸侯

代人仕魏世祖為冀州刺史當官而行無所屈撓時考州郡治功惟侯與河內太守

丘陳為天下第一尋遷都督洛豫二州諸軍事

源賀

河西王秃髮儁植之子魏高宗時為征南將軍冀州刺史賀上書言人之所寶莫寶

于生全德之厚者莫厚于宥罪然犯死之罪難以盡恕權其輕重有可矜恤臣愚以自非大逆赤手殺人之罪其坐賊及盜與過誤之愆應入死者皆可原命謫于邊境是則已斷之體更受全生之恩徭役之家漸蒙休息之惠刑措之化庶幾在茲高宗納之已後入死皆恕死徒邊人

之高宗謂群臣曰源賀勸朕宥死刑徙充北番諸戍自爾至今所活殊為不少生濟之理既全邊戍之兵有益卿等事朕人人如賀平治天下復何憂哉錄賀治為第一賜衣馬器物班宣天下賀上表請代朝議以賀得民情不許在州七年徵拜太尉

封回

渤海蓼人魏皇興初為安州刺史以治行徵拜太尉長史行定州事時寇亂之後加以水潦百姓困乏回表求賑恤免其

兵調州內賴之尋轉冀州大中正

元雲

魏宗室高祖延興初為冀州刺史在州廉謹白修畱心庶獄挫抑豪強劫盜止息甚

得下情合州請戶輸絹五尺粟五升以報雲恩帝從之宣詔天下使知勤勵遷長安鎮都大將軍

元禧

魏宗室高祖太和中以咸陽王為冀州刺史州民三千人詣闕言禧有惠政請世昨

冀州詔日封建雖古未必今宜乃遷禧為司州牧

**李平** 頓丘人仕魏世宗時拜長樂太守政務清  
 靜吏民懷之車駕南伐以平兼冀州儀同  
 府長史甚著聲稱仍除正長史太守如故旋為  
 鎮北將軍行冀州事後平京兆寇世宗宣旨慰  
 勞

**李詔** 狄道人初仕魏以吏部尚書出為冀州刺  
 史政績之美聲著當時肅宗嘉之就加散

騎常侍遷車騎大將軍詔以年及懸車抗表遜  
 位優旨不許轉定州刺史及赴中山冀州父老  
 皆送出西境相聚而泣二州境既連  
 接百姓素聞風德不言而治卒于官

**元孚** 魏宗室肅宗孝昌中為冀州刺史時葛榮  
 圍信都自春至冬孚帥勵將士晝夜拒守

糧儲既竭外無救援城陷被執與兄祐  
 爭死榮曰此魏之忠臣義士也皆釋之

**裴延雋** 後魏明帝時幽州刺史修復督  
 亢渠溉田百萬餘畝百姓賴之

**元澄** 魏宗室以壽春之敗降為定州刺史初民  
 苦橫調前守未能除澄多所減省又明黜

陟之法減公園地以給  
 無業貧人百姓欣賴

**楊津** 華陰人魏肅宗孝昌初以散騎常侍行定  
 州事既而近鎮擾亂侵逼舊京乃加北道

大都督始津受命出至靈丘賊帥薛修禮起博  
 陵定州危急遂回師南赴時州軍新敗津以賊

既乘勝士眾勞疲賊必勝至欲移軍入城刺史  
 元固閉門不內津揮刀欲斬門者軍乃入城賊

果夜至見柵空而去其後賊攻州城東面已入  
 羅城津欲禦賊長史許被守門不聽津手劍擊

被乃開門出戰斬賊帥一人殺賊數百賊退人  
 心少安詔加吏部尚書北道行臺初時賊帥薛

修禮杜洛周殘涼州境津以狐城在兩寇之間  
 受圍三年朝廷不能救賊帥葛榮誘降津大怒

斬其使津長史李裔引賊踰城津苦戰不敵遂  
 見拘賊將欲烹之其黨諫之而止津見裔對諸

賊帥以大義責之辭淚俱發裔大慙及葛榮吞  
 洛周復為榮所拘守榮破始得還洛永安初詔

除散騎常侍津以前在中山  
 陷寇請闕固辭竟不之任

封隆之 渤海蓳人北魏時四為

高 瑗 北齊神武弟封南趙郡王魏承熙二年除

甚有聲譽

高 洸 北齊神武第五子武定中除滄州刺史以

一天保初封彭城王四年徵為侍中入吏送者

五載以不識吏吏不欺人殿下雖飲此鄉水未

尚書

高 叡 北齊高祖從子也少孤襲爵南趙郡公天

禪進封王爵出為定州刺史天保六年詔領丁

男百八十萬監築長城于時盛夏叡在途中屏

除蓋扇冒犯暑熱親與兵人同其勞苦兵人感

悅選邇稱嘆七年詔以本官都督北燕北蔚北

孟 業 字敬業鉅鹿人性廉謹天保時補河間國

中書舍人

于 翼 太師燕公謹之子也尚後周太祖女平原

材幹宦跡所至輒能布信推誠人人感悅大象

二年徵拜大司徒仍除幽定蔚恒等州鎮諸軍

患之因詔翼巡視審畫修築於是西自鴈門東

至碣石創新改舊咸扼其要衝先是突厥屢為

高 遵 約 築大堤周圍堅厚堰水有功詔加獎論

幾補名宦志

卷之第...

三

李瓊 周安州防禦使治郡 寬簡民立碑頌德

趙熨 天水人隋文帝踐祚以熨曉習故事徵拜 尚書右僕射以忤旨出為冀州刺史甚有 威德熨嘗有疾百姓奔馳爭為祈禱其得民情 如此上幸洛陽熨來朝上勞之日冀州大藩民 庶殷實卿之為政深副朕 懷開皇十九年卒於官

庫狄士文 代人開皇時拜貝州刺史性孤介其子 嘗噉官厨餅即箠之步送還京所買鹽

長孫平 字處均河南洛陽人開皇中歷貝州刺史 有善政朝廷嘉之以鄴都難治轉相州

裴肅 字神封河東聞喜人開皇中轉貝州長史 有能名仁壽中見太子勇蜀王秀僕射高

張熨 河間鄭人開皇中兩為 冀州刺史傳見人物 頗俱廢黜遣使上書上曰裴肅憂我 家事此亦至誠也於是徵肅入朝

李衍 字拔豆遼東襄平人以功 拜安州總管頗有惠政

唐

李玄通 藍田人為隋鷹揚郎將高祖入關率所部 來歸拜定州總管為黑闥所破愛其才欲

以為將玄通曰吾當守節報主烏能降志從賊 耶不聽囚之故吏有餉飲餽者玄通曰諸君見

哀吾能一醉遂縱飲謂守者曰吾能劍舞可借 刀守者與之曲終仰天太息曰大丈夫撫方面

不能保所守尚何視息 耶乃潰腹歿帝為流涕

羅士信 濟州歷城人封鄉國公從秦王擊劉黑闥 洛水上得一城王君廓戍之賊急攻潰而

出王語諸將孰能守此士信曰願以守乃命之 士信已入賊悉眾攻方雨雪救軍不得進城陷

黑闥欲用之不屈而死年二十 八王隱悼購其尸以葬謚曰勇

狄仁傑 右相梁國公前幽州督都事見唐書

宋璟 幽州都督甚有威聲事見唐書

張說 河南洛陽人也永昌中策賢良方正詔吏部尚書李景諶糊名較覆說所對第一授

太子校書郎遷左補闕玄宗朝歷官中書令封燕國公幽州大都督突厥寇邊朔土州鎮盡被

抄掠帝因拜說兵部尚書同中書門下三品朔方節度大使巡行州鎮說至媽檀尋秦漢所為

塞故蹟酌量修復之又賑給貧窮蘇息困敝簡募強勇罷斤貪殘將吏而下莫不震悅朔土以

寧還京帝大嘉賞累拜左右丞相開府儀同三司卒諡文貞

李光弼 太保臨淮王前幽州大都督府堂使知諸道節度使事見唐書

令狐彰 京兆人肅宗時拜滑毫魏博節度使始滑京西防秋自齋糧餉所過秋毫不犯疾亟遺表

籍軍中待命請以李勉代詔許之 唐之宗室代宗時為義成軍節度使居八年以舊德方重不威而治

段秀實 字成功德宗時為鄭滑節度使軍令簡約有威惠奉身節儉室無姬妾非大會未嘗

飲酒聽樂及領涇原節度使朱泚反死之 孫凝亦為鄭滑節度使見李德裕書

馬燧 字洵美系出右扶風徙為汝州郊城人德宗時魏博節度使田悅圍邢州詔燧以步

騎二萬與昭義李抱真神策兵馬使李晟合軍救之悅悉軍戰燧大敗之斬首萬級邢圖解以

功遷尚書右僕射兼魏博招討使悅告窮於朱滔王武俊會二人皆怨望乃連和悅恃燕趙方

至即出兵背城燧復與諸軍破之進同中書門下平章事北平郡王魏大都督長史

賈耽 字敦詩滄州人貞元中為義成節度使時或請館于外耽曰與我隣道柰何疑之令暴于

野乎命館城中為擊牛饗士眾皆心服耽每畷

幾輔各官志

卷之第...

...

亦從數百騎往往入納境納大喜于是畏其德威終耽不敢發九年以尚書右僕射同中書門下平章事吏民立祠祀之

張孝忠

本奚種初為李惟岳將去逆歸順德宗嘉

惟岳於東鹿酒欲乘勝襲恒州孝忠按兵不動將佐皆諫孝忠曰本期破賊賊已破矣恒州多宿將迫之則死闕緩之則改圖吾置壁於此以待賊之滅耳月餘王武俊果斬惟岳以獻已而定州刺史楊政義以州降孝忠遂有易州時三分成德地詔定州置軍名義武以孝忠為節度使後酒與武俊叛遣蔡雄說之答曰吾既為唐臣業已效忠不復助惡易定介二鎮間乃浚溝壘修器械感厲將士乘城固守酒悉兵攻之帝詔李晟竇文場率師援孝忠酒解去遂全其軍

胡珣

字潤博宗城人貞元中魏公賈耽節鎮鄭滑表珣佐觀察使檢校尚書工部員外郎

以剛直齟齬不阿忤權貴除獻陵令居陵七年務種樹為業以自給後拜少府監

盧垣

德宗時為太常博士會鄭滑節度使李復表請為判官擢監察御史薛盈珍為監軍

使數侵軍政垣每據理以拒之盈珍嘗曰盧侍御所言皆公我故不違也既而復卒盈珍主兵事制以姚南仲代垣謂人曰姚大夫外雖柔中甚剛又能斷監軍若侵之必不受禍此自萌矣吾懼為所留以及禍遂潛去及盈珍與姚有隙從事多黜死者後累遷御史丞

姚南仲

華州下邽人德宗時為義成軍節度使監軍薛盈珍者恃權撓政數不能逞因盛毀

南仲于朝德宗疑之俄遣小吏程務盈誣表以罪會南仲裨將曹文洽知其狀晨夜追至長樂驛及之與同舍夜殺務盈投其屍于厠為二書一抵南仲一訟南仲寬且自言殺務盈狀乃自殺驛吏以聞帝嘆異之南仲不自安曰請入朝帝勞日盈珍撓卿政耶曰不撓臣政臣隳陛下法耳如盈珍輩所在有之雖使羊杜復生撫百姓御三軍必不能成愷悌之化也帝默然乃授右僕射

李澄 遼東襄平人德宗時為滑州刺史李希烈

奉表詣行在德宗嘉之詔授澄刑部尚書汴滑

節度使賊遣將翟崇暉率精兵寇陳州未還而

汴軍寡澄度不能制已未幾封武威郡王澄乃

燔賊旗節自歸天子希烈既失澄而崇暉復敗

由是奔汝南澄引兵取汴復遣子清趨

鄭州詔授清檢校太子賓客賜名克寧

李復 字初陽淮安王神通之後貞元十年鄭滑

代融節度使李融卒軍亂以復檢校兵部尚書

其軍而賦不及民衆大悅加檢校尚書右僕射

曹萃 楚丘人鎮義成軍盜嘗殺商賈吏

萃雖戍伍動必以禮好延納士類

下至厮役推誠待之有德政碑

李光顏 字光遠元和中都統韓弘約諸軍攻賊時

誓不與賊同生指心曰雖死不二因嗚咽泣下

將卒數萬皆感激流涕士氣甚勵時裴度築赫

連城於迤口率輕騎觀之賊以奇兵自五溝至

大呼薄戰城為震壞度危甚光顏力戰却之先

是光顏策賊必至密遣田布預伏精騎溝下扼

其歸賊敗走填死溝中者千餘由是賊悉銳上

當光顏而李愬得乘虛入蔡矣光顏躍馬入賊

營大呼衆萬餘人投甲請命賊遂平加檢討司

空入朝召對麟德殿賜資甚厚討李師道徒義

成節度使許以忠武兵自隨不三旬再敗賊濮

陽拔斗門斬數千級上言許鄭兵合不

可用移鎮忠武後吐蕃入寇徙邠寧軍

田弘正 北平盧龍人忠孝畏慎為魏博節度使封

渤海人崇文子憲宗時為義成軍檢校尚

高承簡 書左僕射有治能將吏奏狀朝廷數賜璽

書褒寵之勅崔郾 撰文立石頌功

袁滋 字德深蔡州人元和初為義成節度使滑

州人元和初為義成節度使滑

州人元和初為義成節度使滑

州人元和初為義成節度使滑

州人元和初為義成節度使滑

州人元和初為義成節度使滑